

**Whāinga:**

Hei whakapakari i te rautaki “wāwāhi ki te rima” hei whakaoti whakareatanga.

**Rauemi:**

- He Kari Pt (Kia iwa o ia kāri 5-10).
- Kia 15 ngā porotiti whaikano me tētahi papatākaro mā ia kaitākaro.
- Kia rua ngā mataono rite, ko ngā tau 6, 7, 8, 6, 7, 8 ki ngā mata. Kia kotahi te mataono rite, ko ngā tau 5, 6, 7, 8, 9, 10 ki ngā mata.

**Ture:**

Ka whai tētahi kaitākaro i tētahi ki te:

- pīrori i ngā mataono tau e toru
- whiriwhiri i ētahi tau e rua (o ngā tau e toru i puta) hei hanga whakareatanga (hei tauira: 6 x 7, 7 x 6 rānei)
- whakatauiria i taua whakareatanga ki ngā Kāri Rango (kia 6 ngā Kāri Rango whitu hei whakatauiria i te 7 x 6)
- whiriwhiri i te whakautu, kātahi ka uhi i taua tau ki te papa tākaro
- tiro tiro mēnā i tika te whakautu mā te whakaoti i te whakareatanga ki te 5 e whakaaturia ana ki te mata mua o ngā kāri, me te tāpiri anō i te whakareatanga e whakaaturia ana ki te mata muri
- Ko te kaitākaro tuatahi ki te uhi i ētahi whitianga e 3 o te pororapa (mai i tētahi taha ki tētahi) ko ia te toa.

Ka taea hoki hei kēmu mahitahi, kua hei whakataetae, arā, ka mahitahi ngā ākonga ki te uhi i ngā tau o te papa tākaro.

